《易傳》原文

二〇二一年十二月一日版

	_
-	_

第一部分 易傳・繋辭

易傳•繫辭

繋群上

分,吉凶生矣。在天成象,在地成形,變化見矣。是故,剛柔相摩,八卦相盪。鼓之以雷霆, 潤之以風 知,坤以簡能。易則易知,簡則易從。易知則有親,易從則有功。有親則可久,有功則可大。 可久則賢人之德,可大則賢人之業。易簡,而天下之理得矣;天下之理得,而成位乎其中矣。 天尊地卑,乾坤定矣。卑高以陳,貴賤位矣。動靜有常,剛柔斷矣。方以類聚,物以群 雨, 日月運行, 一寒一暑,乾道成男, 坤道成女。乾知大始,坤作成物。 乾以易

也。是故,君子所居而安者,易之序也。所樂而玩者,爻之辭也。是故,君子居則觀其象, 悔吝者, 而玩其辭;動則觀其變,而玩其占。是以自天祐之,吉无不利。 聖人設卦觀象, 懮虞之象也。變化者,進退之象也。 繋辭焉而明吉凶, 剛柔相推而生變化。是故,吉凶者,失得之象也。 剛柔者,晝夜之象也。六爻之動,三極之道

辭。懮悔吝者,存乎介。震无咎者,存乎悔。是故,卦有小大,辭有險易。辭也者,各指其所之。 小疵也。无咎者,善補過也。是故,列貴賤者存乎位。齊小大者,存乎卦。辯吉凶者,存乎 彖者,言乎象者也。爻者,言乎變者也。吉凶者,言乎其失得也。悔吝者,言乎其

易與天地準,故能彌綸天地之道。仰以觀於天文,俯以察於地理,是故知幽明之故。

能愛。 違。 原始反終, 知周乎萬物,而道濟天下,故不過。旁行而不流,樂天知命,故不懮。安土敦乎仁, 範圍天地之化而不過,曲成萬物而不遺,通乎晝夜之道而知,故神无方而易无體。 故知死生之說。 精氣為物, 遊魂為變, 是故知鬼神之情狀。 與天地相似, 故不 故

來之謂占,通變之謂事, 至矣哉。富有之謂大業,日新之謂盛德。生生之謂易,成象之謂乾,效法之為坤,極數知 百姓日用而不知,故君子之道鮮矣。顯諸仁,藏諸用, 陰一陽之謂道, 繼之者善也,成之者性也。仁者見之謂之仁, 陰陽不測之謂神。 鼓萬物而不與聖人同懮, 知者見之謂之知。 盛德大業

備矣。夫乾,其靜也專,其動也直,是以大生焉。 焉。廣大配天地, 夫易,廣矣大矣,以言乎遠,則不禦;以言乎邇, 變通配四時, 陰陽之義配日月, 夫坤, 易簡之善配至德。 則靜而正;以言乎天地之間,則 其靜也翕, 其動也闢, 是以廣生

法地。 子曰:「易其至矣乎!」,夫易,聖人所以崇德而廣業也。 天地設位, 而易行乎其中矣, 成性存存, 道義之門。 知崇禮卑, 崇效天,卑

動, 而觀其會通,以行其典禮。 聖人有以見天下之賾,而擬諸其形容,象其物宜, 繫辭焉,以斷其吉凶,是故謂之爻。言天下之至賾,而不 是故謂之象。 聖人有以見天下之

也。」「不出戶庭,无咎。」子曰:「亂之所生也,則言語以為階。君不密,則失臣;臣不密, 功 咎。」子曰:「苟錯諸地而可矣。藉之用茅,何咎之有?慎之至也。夫茅之為物薄,而用 則失身;幾事不密, 也。」「亢龍有悔」,子曰:「貴而无位,高而无民,賢人在下位而无輔,是以動而有悔 之外應之,況其邇者乎,居其室,出其言不善,則千里之外違之,況其邇者乎,言出乎 奪之矣!上慢下暴,盜思伐之矣!慢藏誨盜,冶容誨淫,易曰:「負且乘,致寇至,盜之招也。」 負且乘, 可重也。 子之所以動天地也, 鶴在陰, 可惡也。 而不德,厚之至也,語以其功下人者也。德言盛,禮言恭,謙也者, 加乎民, 或默或語,二人同心,其利斷金。同心之言,其臭如蘭。」「初六,藉用白茅, 慎斯術也以往,其无所失矣。」「勞謙君子,有終吉。」子曰: 致寇至。負也者,小人之事也。乘也者,君子之器也。小人而乘君子之器,盜思 其子和之, 我有好爵, 言天下之至動, 行發乎邇, 則害成。是以君子慎密而不出也。」子曰: 可不慎乎。」 而不可亂也。 見乎遠。 言行君子之樞機, 吾與爾靡之。」子曰:「君子居其室, 出其言, 「同人,先號咷而後笑。」子曰:「君子之道,或出或 擬之而後言, 議之而後動, 樞機之發,榮辱之主也。言行, 「作易者其知盜乎? 易曰: 擬議以成其變化。 致恭以 「磐面 善則千里 存其位者 鳴

神也。大衍之數五十,其用四十有九。分而為二以象兩,掛一以象三,揲之以四以象四時, 而各有合。 天一地二,天三地四,天五地六,天七地八,天九地十。天數五, 天數二十有五 一,地數三十,凡天地之數,五十有五,此所以成變化, 地數五, 五位相 而行鬼

營而成易, 歸奇於扐以象閏。 四,凡三百有六十,當期之日。二篇之策,萬有一千五百二十,當萬物之數也。 十有八變而成卦。八卦而小成,引而伸之,觸類而長之,天下之能事畢矣。 是故可與酬酢,可與祐神矣。子曰:「知變化之道者,其知神之所為乎。」 五歲再閏, 故再扐而後掛。 乾之策, 二百一十有六; 坤之策, 是故, 百四十有 四

其占。以君子將有為也,將有行也,問焉而以言,其受命也如響,无有遠近幽深,遂知來 故能通天下之志。唯幾也,故能成天下之務。唯神也,故不疾而速,不行而至。子曰: 「易 遂通天下之故。非天下之至神,其孰能與於此。夫易,聖人之所以極深而研幾也。唯深也, 數,遂定天下之象。非天下之至變,其孰能與於此。易无思也,无為也,寂然不動, 有聖人之道四焉」者,此之謂也。 非天下之至精,其孰能與於此。 易有聖人之道四焉;以言者尚其辭,以動者尚其變,以制器者尚其象,以卜筮者尚 參伍以變,錯綜其數,通其變,遂成天下之文。 感而 極其

其孰能與此哉!古之聰明叡知神武而不殺者夫?是以, 知;六爻之義,易以貢。聖人以此洗心,退藏於密,吉凶與民同患。 神物以前民用。 人以通天下之志,以定天下之業,以斷天下之疑。」是故,蓍之德, 子曰:「夫易,何為者也?夫易開物成務,冒天下之道,如斯而已者也。是故, 聖人以此齊戒,以神明其德夫!是故, 明於天之道, 闔戶謂之坤; 闢戶謂之乾; 一闔一 圓而神;卦之德,方以 神以知來, 而察於民之故, 知以藏往, 是興 聖

天垂象, 見吉凶, 聖人象之。河出圖, 吉凶,成天下之亹亹者,莫大乎蓍龜。 吉凶生大業。是故,法象莫大乎天地,變通莫大乎四時,縣象著明莫大乎日月,崇高莫大 所以告也。定之以吉凶,所以斷也。 乎富貴;備物致用,立成器以為天下利,莫大乎聖人;探賾索隱,鉤深致遠,以定天下之 民咸用之, 闢謂之變;往來不窮謂之通;見乃謂之象;形乃謂之器;制而用之,謂之法;利用出入, 謂之神。是故,易有太極,是生兩儀,兩儀生四象,四象生八卦,八卦定吉凶, 是故,天生神物,聖人則之;天地變化,聖人效之; 洛出書, 聖人則之。易有四象, 所以示也。繫辭焉,

言,言不盡意。 乎其人;默而成之,不言而信,存乎德行。 道,形而下者謂之器。化而裁之謂之變,推而行之謂之通,舉而錯之天下之民,謂之事業。 所助者,信也。 存乎卦;鼓天下之動者,存乎辭;化而裁之,存乎變;推而行之,存乎通;神而明之,存 天下之動,而觀其會通,以行其典禮,繫辭焉,以斷其吉凶,是故謂之爻。極天下之賾者, 是故,夫象,聖人有以見天下之賾,而擬諸其形容,象其物宜,是故謂之象。聖人有以見 立乎其中矣。乾坤毀,則无以見易,易不可見,則乾坤或幾乎息矣。是故,形而上者謂之 繋辭以盡其言, 易曰:「自天祐之,吉无不利。」子曰:「祐者,助也。天之所助者,順也;人之 履信思乎順,又以尚賢也。是以自天祐之,吉无不利也。」子曰:「書不盡 變而通之以盡利,鼓之舞之以盡神。」乾坤其易之縕邪?乾坤成列,而易 然則聖人之意, 其不可見乎。」子曰:「聖人立象以盡意, 設卦以盡情偽,

繋解下

夫乾,確然示人易矣。夫坤,隤然示人簡矣。爻也者,效此者也。象也者, 命之,動在其中矣。吉凶悔吝者,生乎動者也。剛柔者,立本者也。變通者,趣時者也。 吉凶者,貞勝者也。天地之道,貞觀者也。日月之道,貞明者也,天下之動,貞夫一者也。 (卦成列,象在其中矣。因而重之,爻在其中矣。剛柔相推,變在其中矣。 吉凶見乎外,功業見乎變,聖人之情見乎辭。天地之大德曰生,聖人之大寶曰 像此者也。爻 繋辭焉而

萬民以濟, 以利天下, 通,通則久。是以自天祐之,吉无不利,黃帝、堯、舜垂衣裳而天下治,蓋取諸乾坤。刳木 農氏沒,黃帝、堯、舜氏作,通其變,使民不倦,神而化之,使民宜之。易窮則變, 蓋取諸益。 以佃以漁, 近取諸身, 何以守位曰仁,何以聚人曰財。理財正辭,禁民為非曰義。 古者包犧氏之王天下也,仰則觀象於天,俯則觀法於地,觀鳥獸之文,與地之宜, 剡木為楫,舟楫之利,以濟不通,致遠以利天下, 蓋取諸離。 蓋取諸小過。弦木為弧,剡木為矢,弧矢之利,以威天下,蓋取諸睽。上古穴 蓋取諸隨。 重門擊柝, 日中為市,致天下之民,聚天下之貨,交易而退,各得其所,蓋取諸噬嗑。 遠取諸物,於是始作八卦,以通神明之德,以類萬物之情。作結繩而為罔罟, 包犧氏沒,神農氏作,斲木為耜,揉木為耒,耒耨之利,以教天下, 以待暴客,蓋取諸豫。 蓋取諸渙。服牛乘馬, 斷木為杵, 掘地為臼, 臼杵之利, 引重致遠, 變則 神

居 治,後世聖人易之以書契,百官以治,萬民以察, 加 野處, 葬之中野,不封不樹, 後世聖人易之以宮室,上棟下宇,以待風雨, 喪期无數。 後世聖人易之以棺槨, 蓋取諸夬。 蓋取諸大壯。 蓋取諸大過。 古之葬者, 上古結繩而 厚衣之

凶生, 是故, 而悔吝著也。 易者, 象也, 象也者像也。 彖者, 材也, 爻也者, 效天下之動者也。 是故,

君子之道也。 陽卦多陰, 陰二君而一民, 陰卦多陽, 其故何也?陽卦奇, 小人之道也。 陰卦偶。 其德行何也? 陽一 君而一

也, 未之或知也。 以求信也。龍蛇之蟄,以存身也。精義入神, 凶。」子曰:「非所困而困焉,名必辱。 暑往則寒來, 而 可得見耶?」易曰:「公用射隼,于高墉之上, 百慮, 易 曰: 射之者人也。君子藏器於身,待時而動, 天下何思何慮?」「日往則月來, 寒暑相推而歲成焉。往者屈也, 「憧憧往來, 窮神知化, 德之盛也。」易曰: 朋從爾思。」子曰:「天下何思何慮?天下同歸而殊塗, 非所據而據焉,身必危。既辱且危,死期將至,妻其 月往則日來, 「困于石, 以致用也。 來者信也, 獲之无不利。」子曰:「隼者禽也, 何不利之有?動而不括,是以出而有獲,語 據于蒺蔾, 入于其宫, 日月相推而明生焉。 利用安身,以崇德也。過此以往, 屈信相感而利生焉。」「尺蠖之屈, 寒往則暑來, 弓矢者器 不見其妻, 致

成器 者, 此 以滅身。小人以小善為无益,而弗為也,以小惡為无傷,而弗去也,故惡積而不可掩, 易曰:『不遠復,无祇悔,元吉。』」天地絪縕,萬物化醇,男女構精,萬物化生,易曰:『三 保也。易曰:『其亡其亡,繫于苞桑』。」子曰:「德薄而位尊,知小而謀大,力小而任重,鮮 无交而求,則民不與也,莫之與,則傷之者至矣。易曰:『莫益之,或擊之,立心勿恆,凶。』。」 柔知剛,萬夫之望。」子曰:「顏氏之子,其殆庶幾乎?有不善未嘗不知,知之未嘗復行也。 日。易曰:『介于石,不終日,貞吉。』介如石焉,寧用終日,斷可識矣,君子知微知彰, 子上交不諂,下交不瀆, 不及矣,易曰:『鼎折足,覆公餗,其形渥,凶。』言不勝其任也。」子曰:「知幾其神乎?君 大而不可解。 人行,則損一人;一人行,則得其友。』言致一也。子曰:「君子安其身而後動,易其心而後 小人之福也。 定其交而後求,君子脩此三者,故全也, 有其治者也。是故, 而 動者也。」子曰:「小人不恥不仁, 易曰:『何校滅耳凶』。」子曰:「危者,安其位者也;亡者,保其存者也;亂 易曰:『履校滅趾无咎,此之謂也』。」「善不積,不足以成名;惡不積, 君子安而不忘危,存而不忘亡,治而不忘亂;是以身安而國家可 其知幾乎,幾者動之微,吉之先見者也,君子見幾而作,不俟終 不畏不義,不見利不勸,不威不懲, 危以動,則民不與也,懼以語,則民不應也, 小懲而大誠, 不足 知

而 體天地之撰, 1.察來,一而微顯闡幽, 子 曰 : 以通 「乾坤其易之門邪?乾, 神明之德,其稱名也雜而不越,於稽其類, 開而當名,辨物正言,斷辭則備矣, 陽物也;坤, 陰物也; 陰陽合德, 其稱名也小,其取類也大,其 其衰世之意邪?」 夫易, 彰往 而 |剛 柔有體,

其辭文, 其言曲而中, 其事肆而隱, 因貳以濟民行, 以明失得之報

以制禮,復以自知,恆以一德,損以遠害,益以興利,困以寡怨, 先難而後易;益,長裕而不設;困,窮而通;井,居其所而遷,巽,稱而隱。履以和行,謙 之地也;巽,德之制也。履, 也;復, 易之興也,其於中古乎,作易者,其有憂患乎。是故,履,德之基也;謙, 德之本也;恆,德之固也;損德之脩也;益, 和而至;謙,尊而光;復, 德之裕也; 因, 小而辨於物;恆, 井以辯義, 巽以行權。 德之辨也; 井, 雜而不厭;損, 德之柄

初率其辭, 可為典要,唯變所適,其出入以度,外內使知懼,又明於憂患與故,无有師保, 易之為書也不可遠,為道也屢遷, 而揆其方, 既有典常,苟非其人,道不虛行。 變動不居, 周流六虛, 上下无常, 剛柔相易, 不

多譽, 亡吉凶, 本末也, 三多凶, 五多功, 易之為書也,原始要終,以為質也,六爻相雜,唯其時物也,其初難知,其上易知, 四多懼, 初辭擬之,卒成之終,若夫雜物撰德, 則居可知矣, 近也, 柔之為道,不利遠者, 貴賤之等也, 知者觀其彖辭,則思過半矣。二與四同功, 其柔危, 其要无咎, 其剛勝邪? 辨是與非,則非其中爻不備。 其用柔中也, 三與五同功, 而異位,其善不同, 噫, 亦要存 而異

非它也, 易之為書也, 三材之道也, 廣大悉備, 道有變動,故曰爻,爻有等, 有天道焉, 有人道焉, 有地道焉。 故曰物, 兼三材而 物相雜, 故曰文,文不 兩之,故六六

故吉凶生焉。

易者使傾, 易之興也, 其道甚大,百物不廢,懼以終始,其要无咎,此之謂易之道也。 其當殷之末世,周之盛德邪,當文王與紂之事邪, 是故其辭危, 危者使

情言,剛柔雜居, 能說諸心, 叛者其辭慚, 近相取而悔吝生, 象事知器,占事知來。天地設位,聖人成能。人謀鬼謀,百姓與能。八卦以象告,爻彖以 夫乾, 能研諸侯之慮,定天下之吉凶,成天下之亹亹者,是故,變化云為,吉事有祥, 天下之至健也, 中心疑者其辭枝,吉人之辭寡,躁人之辭多,誣善之人其辭游, 情偽相感而利害生。凡易之情,近而不相得則凶,或害之, 而吉凶可見矣。變動以利言,吉凶以情遷。是故愛惡相攻而吉凶生,遠 德行恆易以知險, 夫坤, 天下之至順也, 德行恆簡以知阻。 失其守者其 悔且吝。

辭屈。

易傳・文言

十九

文言・乾

事之幹也。 君子體仁足以長人, 嘉會足以合禮, 四德者,故曰「乾、元、亨、利、貞」。 《文言》曰:「元」者,善之長也;「亨」者,嘉之會也;「利」者,義之和也;「貞」者, 利物足以和義, 貞固足以幹事。君子行此

遯世无悶,不見是而无悶。 初九曰、「潛龍勿用」,何謂也?子曰:「龍、 樂則行之, 憂則違之, 確乎其不可拔, 德而隱者也。 潛龍也。」 不易乎世, 不成乎名,

庸行之謹,閑邪存其誠,善世而不伐,德博而化。《易》曰:『見龍在田,利見大人』,君德 九二曰:「見龍在田,利見大人」,何謂也?子曰:「龍德而正中者也。庸言之信,

忠信, 義也。 九三曰:「君子終日乾乾、夕惕若、厲、无咎」。何謂也?子曰: 所以進德也,脩辭立其誠,所以居業也。知至至之,可與幾也, 是故居上位而不驕,在下位而不憂,故乾乾因其時而惕, 雖危无咎矣。」 知終終之,可與存 「君子進德脩業,

九四曰:「或躍在淵,无咎。」何謂也?子曰:「上下无常,非為邪也。進退无恆,

非離群也。君子進德脩業,欲及時也,故无咎。」

火就燥, 雲從龍, 風從虎, 聖人作而萬物覩。本乎天者親上, 本乎地者親下, 則各從其類也。 九五曰:「飛龍在天,利見大人」。 何謂也?子曰:「同聲相應, 同氣相求。 水流濕,

上九曰: 「亢龍有悔」 , 何謂也?子曰: 「貴而无位, 高而无民, 賢人在下位而无

輔, 是以動而有悔也。」

淵 」, 自試也;「飛龍在天」, 潛龍勿用」,下也; 上治也;「亢龍有悔」、窮之災也。乾元「用九」,天下治也。 「見龍在田」, 時舍也;「終日乾乾」, 行事也; 「或躍在

淵, 乾道乃革。「飛龍在天」,乃位乎天德。「亢龍有悔」,與時偕極。乾元「用九」,乃見天則。 「潛龍勿用 陽氣潛藏。 「見龍在田」,天下文明。 「終日乾乾」, 與時偕行。 「或躍在

所利, 《乾》 大矣哉! 元 者, 始而亨者也。 「利貞」者, 性情也。 乾始能以美利利天下,不言

大哉乾乎!剛健中正, 純粹精也。 六爻發揮, 旁通情也。 「時乘六龍」、以「御天」

見, 世, 行而未成, 「雲行雨施」、天下平也。 是以君子「弗用」也。 君子以成德為行, 日可見之行也。 「潛」之為言也, 隱而未

君子學以聚之,問以辯之,寬以居之,仁以行之。《易》曰「見龍在田、利見大人」,君德也。

九三重剛而不中, 上不在天,下不在田,故「乾乾」 因其時而 「惕」, 雖危 「无咎」

矣。

之也,故「无咎」。 九四重剛而不中, 上不在天, 下不在田, 中不在人, 故「或」之。 或 之者、 疑

先天而天弗違,後天而奉天時。天且弗違, 夫「大人」 者、 與天地合其德, 與日 月合其明, 而況於人乎?況於鬼神乎? 與四時合其序, 與鬼神合其吉凶,

進退存亡而不失其正者, 「亢」之為言也, 知進而不知退, 其唯聖人乎! 知存而不知亡, 知得而不知喪。 其唯聖人乎!知

文言·坤

其順乎, 承天而時行。 《文言》曰:《坤》至柔而動也剛, 至靜而德方, 後得主而有常, 含萬物而化光。 坤道

之故,其所由來者漸矣,由辯之不早辯也。《易》曰「履霜、堅冰至」,蓋言順也 **積善之家,必有餘慶;積不善之家,必有餘殃。臣弒其君,子弒其父,非一朝一夕**

方、 大、不習无不利」, 則不疑其所行也。 「直」其正也,「方」其義也。君子敬以直內, 義以方外,敬義立而德不孤。

有終」也。天地變化,草木蕃。天地閉,賢人隱。《易》曰「括囊、无咎无譽」,蓋言謹也。 陰雖有美「含」之以從王事,弗敢成也。地道也,妻道也,臣道也。地道「无成」而代

君子「黃」 中通理,正位居體, 美在其中而暢於四支,發於事業,美之至也。

夫「玄黃」者、天地之雜也。天玄而地黃。 陰疑於陽必「戰」, 為其嫌於无陽也, 故稱「龍」焉。 猶未離其類也, 故稱「血」